



GOUVERNEMENT
DE LA POLYNÉSIE FRANÇAISE

APOORAA A TE MAU FAATERE-HAU PARAU HAAPAPA

Mahana piti, 30 no tiurai 2024

Ua putuputu te Faatereraa Hau i teie mahana piti nei. E i roto i te mau puta parau i uatapapahia, ua haamana o ia i te mau puta parau i mauri nei :

- MFT -	2
• Te Arataïraa no te fariïraa i te tane ia haere i te faafaæaraa i tau fanauraa e fariïraa i te tama fanau âpi i te roto i te mau Pû òhipa a te Hau : 11 mahana aufau noahia, te horoàhia i te metua tane	2
- MEE -	3
• Tauturu moni i te mau fare haapiïraa e i te mau taatïraa i te pae o te hiroà tumu	3
- MJP -	6
• Tauturu moni i te mau Âmui-Tahiraa Tuàro	6
• Parau Faaau no te mau titauraa no te fariïraa e te haapiïraa i te mau maòna faito teitei no Porinetia farani nei.....	6
• Vauvauraa i te mau raveà tauturu i te mau taiete âpi i te pae no te rima î.....	7
• Haafaufaaraa i te tuhaa o te rima î : tauturu moni i te SARL « <i>Àrioi Expérience</i> »	8
• Haafaufaaraa i te tuhaa o te rima î : Tauturu moni faataahia na te taatïraa « <i>Te Api Nui o te Tifai fai</i> ».....	10



- MFT -

Te Arataïraa no te fariiraa i te tane ia haere i te faafaaearaa i tau fanauraa e fariiraa i te tama fanau âpi i te roto i te mau Pû òhipa a te Hau : 11 mahana aûfau noahia, te horoàhia i te metua tane

Te Faatere Hau no te mau Pû Òhipa a te Hau, no te Òhipa, no te faaâpiraa i te Hau, no te Faahoturaa i te mau Taha-motu e te Faaineineraa tōroà tei faaara i roto i te Apooraa a te mau Faatere Hau, i te faaòhiparaa i te faaotiraa APF no te 6 tiunu 2024, o te faaô mai i te tahi mau arataïraa faufaa roa i te pae no te taime faafaaearaa o te mau metua tane i te tau fanauraa e fariiraa i te tahi âiu fanau âpi, na reira atoà i te rauraa no te mau faa nahoraa i te pae no te tau faafaaearaa i roto i te mau Pû òhipa atoà a te Hau i Porinetia nei.

No reira, **te taime faafaaearaa a metua tane i te fanauraa e te fariiraa i te âiu âpi, 11 mahana aûfau noahia o te horoàhia i te metua tane o te âiu fanau âpi e òhipa nei i roto i te mau Pû òhipa a te Hau.** Te taatihia i te metua vahine o te âiu fanau âpi, na roto i te hoê o te mau titauraa a te Ture, e aore ia te ora âmuiraa raua. Ia rahi noa atu te fanau, e maraa teie taime faafaaearaa i te 16 mahana aûfau noahia.

Ia ravehia teie taime faafaaearaa i roto i te area taime e maha âvaè mai te taime a fanauhia ai teie âiu, e èita e tià ia faanuuhia. Ia faataehia te aniraa i te te raatira o ta na piha òhipa, i te peretiteni o te Pû òhipa a te Hau e aore ia i te faatere o te Pû òhipa, hoê âvaè hou e haamata ai te tau faafaaearaa. E tià atoà ra ia ravehia te tahi faanahoraa taa ê, mai te mea e tià i te rave òhipa ia horoà mai i te tahi parau pâpû no te òreraa o ia e tià ia rave i roto i tera area taime i faataahia.

No te feia i òre a i faatumuhia i nià i to ratou tiàraa rave òhipa na te Hau, ia tiàhia ia ratou e ono âvaè te iti roa i nià i to ratou tiàraa rave òhipa, tae noa atu te faaâpiraa i ta ratou tau òhiparaa, a tià atu ai ia ratou ia fanaò i teie taime faafaaearaa no te âiu fanau âpi.

Parau faatià taa ê horoàhia i te mau rave òhipa a te Hau no te haere i te faafaaearaa, te mau rave òhipa i roto i te tau faaineineraa, te mau rave òhipa i òre a i faatumuhia, no te tahi mau tupuraa òhipa i roto i te ôpu fetii

Taa ê noa atu ai i te reira, **ua hiò atoàhia mai i te tahi faatanotanoraa no te mau arataïraa no te parau faatià taa ê i te mau aniraa faaeaeearaa òhipa no te tahi mau tupu òhipa i roto i te ôpu fetii, mai te faaipoiporaa, te fanauraa e te àti.** Te titauraa i ô nei, o te ìmiraa ia i te âifaitoraa e te fanaòraa te taatoàraa hoê a faanahoraa e hoê a arataïraa, te mau rave òhipa tumu, ratou i roto i te tau faaineineraa e haapiipiiraa.

Teie nuuraa âpi, te haapâpû noa mai ra ia i te hinaaro rahi o te Faatereraa Hau e haamaitai atu a i te huru e te oraraa o te rave òhipa i nià i ta na òhipa e i roto roa atoà i to na oraraa ùtuafare.



- MEE -

Tauturu moni i te mau fare haapiiraa e i te mau taatiraa i te pae o te hiroà tumu

Na roto i te aniraa a te Faatere Hau o te Haapiiraa, te haapiiraa teitei, i te pae no te hiroà tumu ua haamana te Faatereraa Hau e faataa te mau tauturu moni no te pae no te faaòhiparaa e no te faahoturaa, i te mau fare haapiiraa e te mau taatiraa i te pae no hiroà tumu, no te taatoà e **59 392 194 F CFP**.

Ua faataahia te mau tauturu moni mai teie i muri nei :

Fare haapiiraa / Taatiraa hiroàtumu	Tauturu moni	Faito
Taatiraa no te tuàro o te mau fare haapiiraa a te Hau e te mau fare haapiiraa èere na te Hau	Tauturu moni no te faaòhiparaa no te tauturu i ta na tereraa òhipa no te matahiti 2024	4 000 000
Taatiraa « Les Petits Princes de Aimeho »	Tauturu moni no te faaòhiparaa no te tauturu i te ôpuaraa tere no te tahi pupu tamarii CM2 no te fare haapiiraa no Teàvaroi te Apooraa ìriti a te mau tamarii i Paris i te 17 tiunu 2024, no te paruru i ta ratou ôpuaraa ìrava ture no haamaitaì te tuàro a te mau tamarii	500 000
Fare Haapiiraa Tuarua No Taaone - Piraè	Tauturu moni no te faaòhiparaa no te amo i te mau raveà arai e paruru	632 642
Fare haapiiraa Tuarua Tinomana Ebb no Teva I Uta	Tauturu moni no te faaòhiparaa no te amo i te tataìraa no te niuniu faaararaa no te arai i te èiaraa	524 796
Fare haapiiraa Teitei Tuianu Le Gayic	Tauturu moni no faaòhiparaa no te amo i te tataìraa o te pereoo mataèinaa	535 541
Fare haapiiraa Teitei Ìhi-Tea no Vavau – Bora Bora	Tauturu moni no te amo i te mau tapaòraa no te uira	796 207



Fare Haapiiraa Tuarua no Raïroa	Tauturu moni no te faaòhiparaa no te amo i te tataïraa i te faatororaa niuniu no te piha òhipa e no te haapiiraa	1 464 140
Fare Haapiiraa Tuarua no Nuku-Hiva	Tauturu moni no te amo i te haamararaa no te moni maa	2 559 000
Fare Haapiiraa Teitei Ìhi-Tea no Vavau Bora Bora	Tauturu monino te faaòhiparaa no te amo i te hooraa mai no te tauihaa no te fare utuutu no te haapiiraa toroà	223 801
Fare Haapiiraa Tuarua no Papara	Tauturu moni no te faaòhiparaa no te amo te hoo mai i te pape ma	437 993
Fare Haapiiraa Tuarua no Taaone Piraè	Tauturu mmoni no te faaòhiparaa no te amo i te hooraa maii te tauihaa taa ê no te âmui maite mau tamarii o te haapiiraa (ULIS)	756 863
Fare Haapiiraa Teitei Te Tara o Maiào	Tauturu monino te faaòhiparaa no te amo no te faaineineraa e temoni tuhaa matahiti i nià i te tahua “espace”	2 668 570
Fare Haapiiraa Tuarua Faaroa	Tauturu monino te faaòhiparaa no te amo i te tapaòraa i te uira	745 554
Fare Haapiiraa Tuarua Huahine	Tauturu moni no te faaòhiparaa no te amo i te tataïraa o te tauihaa tuutu maa	1 479 662
Fare Haapiiraa Tuaruan Mataùra Tupuaì	Tauturu monino te faaòhiparaano te amo i te haamauraa i te natireva “wifi”, te haamaitàraa i te faatuàtiraa e te faaâpiraa i te mau raveà roro-uira	2 082 740
Fare Haapiiraa Tuarua Raïroa	Tauturu moni no te faaòhiparaa no te amo i te mau tataïraa no te mau matini puà -àhu	4 515 180



Fare Haapiiraa Tuarua Henri- Hiro	Tauturu moni no te faaòhiparaa no te amo i te mau faaòhipara i te pae no te peni e te mau faaâpiraa	4 039 873
Fare Haapiiraa Tuarua no Raïroa	Tauturu moni no te faaòhiparaa no te amo i te mau faaòhiparaa hau o te maa a te mau tamariino te Pû haapiiraa i te pae o te mau raveà âpi tei au no te faahoturaa	4 872 950
Fare Haapiiraa Tuarua Maco- Tevane	Tauturu moni no te faaòhiparaa no te amo i te faaòhiparaa i roto i te tautooraa i te haapiiraa	6 550 000
Pû no te mau toroà e te mau tiàraa òhipa hotera fare tamaaraa no Patifita i Porinetia farani nei (CMQP)	Tauturu moni no te faaòhiparaa no te amo i ta na tereraa òhipa no te matahiti 2024	4 700 000
Fare haapiiraa Tuarua no Paopao Moorea	Tauturu moni no te faaòhiparaa no te amo i te tahi tere faaineineraa i te Henua Enana	600 000
Fare Haapiiraa Tuarua no Atuona	Tauturu moni no te faaòhiparaa no te amo i te mau tataïraa i te oraraa haapiiraa	1 541 682
Âmui-Tahiraa no te mau Tuàro Maòhi	Tauturu moni no te faaòhiparaa no te amo i te faatupuraa i te <i>Heiva Tuàro Maòhi Nui 2024</i>	10 500 000
Vahi Nohoraa no te mau pîahi no te fare haapiiraa tuarua no Taravao	Tauturu moni faahoturaa no te amo i te faatiàraa i te hoê vahi faanehenehehia	865 000



Taatiraa Mataèinaa Vaka no Ua Pou	Tauturu moni faaòhiparaa	800 000
Taatiraa Puna Reo Pihàèina	Tauturu moni faaòhiparaa	500 000
Taatiraa Mata Àveià	Tauturu moni faaòhiparaa	500 000
ÂMUIHIA		59 392 194 F CFP

- MJP -

Tauturu moni i te mau Âmui-Tahiraa Tuàro

Na nià i te aniraa a te Faatere Hau no te Tuàro, no te Feia Âpi, no te Arairaa i te mau Ohipa ìino, e tiàau atoà i te Hiroà, ua haamana te Faatereraa Hau e faataa i te mau Tauturu moni, i te pae no te faaòhiparaa i te mau Âmui-Tahiraa Tuàro, no te amo i te taatoàraa o ta ratou mau tereraa òhipa no teie matahiti 2024, i nià i te tahi faito **15 600 000 F CFP**.

Ua ôperehia te mau Tauturu Moni mai teie i muri nei :

- Âmui-Tahiraa Vaa Înitia no Porinitia – **2 600 000 F CFP** ;
- Âmui-Tahiraa Tuàro a te feia huma no Porinetia – **3 200 000 F CFP** ;
- Âmui-Tahiraa Àu no Tahiti – **6 800 000 F CFP** ;
- Âmui-Tahiraa Taputo Tapone no Porinetia – **3 000 000 F CFP**.

Parau Faaau no te mau titauraa no te fariiraa e te haapiiraa i te mau maòna faito teitei no Porinetia farani nei

Na roto i te piaraahia te Ture Fenua no te 3 mati 2023 ra, o te haamaità atu a i te mau tereraa òhipa a te Pû o te feia âpi e te Tuàro i Porinetia farani nei (IJSPPF) na roto i te faaòhiparaa i te tuàro faito teitei, ua haamau te USPFF i te tahi Pû no te faito maità no porinetia na roto i te tahi faaotiraa mana no te 22 tetepa 2023 ra.

Teie arataàraa no te Faito maità no te Fenua nei, ta na fâ o te âpeeraa ia i te mau maòna faito teitei i te faatupuraa e piti aè ôpuuraa, oia hoì, te manuiaraa i te pae tuàro, e te manuia atoàraa i te pae o te haapiiraa, faai,neineraa e òhipa.



No te reira tuhaa òhipa, e i raro aè i te tautooraa a te IJSPF, ma te âpitihiia mai e te Faatereraa Hau no te Haapiiraa e te Pû o te Haapiiraa, ua fanau mai te tahi mau pupu òhipa, e tei faahope na roto i te tahi parau faaau tei faanaho i te parau no te fariiraa, te tautururaa e te âpeeraa i te haapiiraa a te mau maòna faito teitei.

Oia mau, no te mau tamarii maòna faito teitei, e faanahoraa taa êi te pae no te tereraa haapiiraa e te hiòraa âmui te faataahia e teie arataàraa no te faaau i te mau titaùraa no te faaineineraa tuàro (tamahana aore ia e piti taime i te mahana), te mau haapiipiiraa e tae noa atu i te tarena no te mau tataùraa tuàro.

Teie parau faaau, e riro atoà ia i te ìriti i te tahi faanahoraa i te pae o te raveà taata e tae noa atu te mau raveà faufaa moni no te âpee i te mau maòna faito teitei no te rauraa o te mau tuàro i roto i te mau fare haapiiraa tei tapaòhia, e te riro i te horoà mai i te tahi faito mai atu a e te tahi hohò faahiahia mau, e te tiàturiraa e te faufaa o teie faanahoraa (CPP).

E ia au i te âheer 1 no te ìava 170-1 no te Ture Aratai no te 27 feppure 2004, e mea tià ia tuuhia teie ôpuaraa parau faaau i mua i te haamanaraa a te Apooraa Rahi no Porinetia Farani (APF). Titau atoàhia te Fare Matutu Tià rau e Mata Uì ia horoà i to na manaò i nià i teie arataàraa.

O te huru ia no teie ôpuaraa o te tuuhia atu i mua i te faotiraa a te Apooraa Rahi no Porinetia Farani.

Vauvauraa i te mau raveà tauturu i te mau taiete âpi i te pae no te rima î

I raro aè i te arataàraa a te Faatere Hau no te Tuàro, no te Feia Âpi, no te Arairaa i te mau Òhipa ìino, e Tiàau i te Rima Î, e te *Pû Òhipa Rima Î*, ua faataahia te mau tauturu e te mau Tauturu moni no te òhipa Rima Î, ia au i te Ture Fenua no te 4 feppure 2022, tei faanaho i te tahi arataàraa no te mau tauturu no te faahoturaa i te te òhipa no te Rima Î i Porinetia farani nei.

Teie mau arataàraa, ua faanahohia ia no te feia rima î tei tapaòhia i te Pû Rima Î e tei horoàhia te parau faatià. E ono ratou, e ta ratou òhipa o te âpeeraa ia i te feia rima î no porinetia farani nei, i roto i te mau tuhaa tatai-tahi o ta ratou òhipa e ia au i to ratou tiàraa (patan e aore ia e taatiraa). Hau roa atu, o te faaitoitoraa atoà ia e te paèpaèraa i te ôpuaraa tei tauturu i te haamaitàraa o te òhipa rima î i porinetia farani nei.

1. Faanahoraa tautur no te haamataraa i roto i te òhipa rima î

- **Tuhaa 1 : faanahoraa “hou-te haamatararaa”**, no ratou tei òre a i rave aè nei i te òhipa rima î e tei hinaaro i te faaò i roto.
- **Tuhaa 6 : te faahoturaa i te òhipa rima î (DAAT)**. Te fâ o teie faanahoraa o te ìritiraa ia i te ûputa o te òhipa ma te tauturu i te faatupuraa e aore ia i te faaora faahouraa i te òhipa rima î, na roto i te faataaraa i te tahi tuhaa moni **50 000 F CFP** i te âvaè.



2. Te tahi atu mau faanahoraa e tià ia fanaò atoàhia no te feia rima î

Taa noa atu ai te reira, ua ìriti atoàhia te tahi atu mau faanahoraa no te âpee i te feia rima î ia au i te mau mea o ta ratou e hinaaro ra e to ratou tiàraa :

- **Tuhaa 2 : faanahoraa “tau òhiparaa”**, no te feia rima î e parau faatià ta ratou na te “*Rima î maòhi*” ;
- **Tuhaa 3 : faanahoraa “àravihì”**, no te feia rima î e mau ra i te tareta àravihì ‘*Ìhi Rima î maòhi*’ ;
- **Tuhaa 4 : faanahoraa “ tapura matahiti taatiraa”**, no te paèpaaaè ia i te mau ôpuaraa e te mau tupuraa òhipa a te mau taatiraa rima î. Ua faataa o ia i te tauturu moni i nià i te faito 40% te rahi roa no te taatoàraa e aita ra no te tahi tuhaa no te tereraa òhipa e faanahohia ;
- **Tuhaa 5 : faanahoraa “`tereraa òhipa taa ê**, no te taatoàraa no te mau ôpuaraa faataahia no te faaiteraa e te haafaufaaraa i te rima î, e aha noa atu a te tiàraa e te huru. Oia hoì, na roto i teie faanahoraa, e tià ia faataahia te tahi mau tauturu i te mau taiete, èiaha noa ra i te mau taatiraa anaè. E taua faanahoraa ra, e taeaè roahia ia 40% no te tapura faufaa no te reira tupuraa òhipa, **1 500 000 F CFP** te faito hopeà.

Teie mau faanahoraa te amo ia e te tauturu atoà, ia au atoà ra i te oraraa o te taata ani, i te mau faaineineraa e haapiipiiraa, no te hooraa mai i te mau tauihaa e te mau mea e hinaarohia, no te amuraa i te tahi tuhaa no te titeti manureva e te fereti no te tahi mau faaiteteraa i Porinetia nei e i te Ara, *etv*.

Haafaufaaraa i te tuhaa o te rima î : tauturu moni i te SARL « *Àrioi Expérience* »

I raro aè i te arataàraa a te Faatereraa Hau no te Tuàro, no te Feia Âpi, no te Arairaa i te Òhipa Ìino, e Tiàau atoà i te Rima Î e te *Pû Òhipa rima î*, ua faataahia te tahi mau tauturu moni i te pae o te rima î ia au i te Ture Fenua no te 4 feppure 2022, tei haamau i te tahi tapura tauturu i te haafaufaaraa i te tuhaa o te rima î i Porinetia farani nei.

Te mau tauturu tei piihia “tuhaa 5” ua horoàhia ia, ia au i te ôtià o te tapura faufaa e vai ra, inà i te faito e 40% te rahi roa no te tapuraa moni i tuuhia mai e te feia ani no te hoè faito hopeà e 1 500 000 F CFP. Te mau aniraa i nià atu i te hoè mirioni, e hiòpoàhia ia e te Tomite Tuatapapa no te Rima Î (CCAT). E au ai i teie faanahoraa, ia paèpaè i te mau ôpuaraa e haafaufaa nei i te rima î, e aha noa atu a te tiàraa e te huru no te ôpuraa.

Tei roto i te reiraa arataàraa to te SARL, « *Àrioi Expérience* » a Hinatea COLOMBANI tuuraa mai i ta na puta parau ôpuaraa e tei fariihia, no te faatupu i te tahi tuatapaparaa i nià i te arataàraa no te tuhaa o te tapa e no te hoè hepetoma faataa taa êhia no te faaravaàraa faufaa totiare e te tautururaa (ESS) tapaòhia no te âvaè novema 2024.

Teie tauturu moni no te amo ia i na âveia e piti o teie ôpuaraa i tuuhia mai :



- Faanahoraa i te tahi tere i te Henua Enana no te farerei i te feia rima î e òhipa i roto i te faanahoraa o te tapa, te tuatapaparaa i te mau raveà no te hamaniraa e te puturaa i te Û, te huru o te huru faufaa tumu e vai ra, te mau tauihaa e faaòhipahia ra, te òhipa o te tapihooraa o te tapa i roto i teie mau motu, etv... ;
- Te faatupuraa i te hepetoma no te faaravaïraa faufaa totiare e te tautururaa (ESS) i te âvaè novema, o te hoê faatupuraa òhipa teie no te faaara e te haafanaò i te nunaa e te feia rima î na roto i te tamataraa i te faatano i teie faaravaïraa faufaa (ESS) i te huru o to tatou oraraa i Porinetia nei.

No reira e mea faufaa ia tauturuhia e ia âpeehia te òhipi e ravehia nei e te SARL “Àrioi Expérience” tei faaïte mai a tau matahiti i teie nei, i te itoito tuutuu òre i roto i te haapiiraa e te horoàraa i te ìte e te paari i roto i te hamaniraa i te tapa, e te haafaufaaraa i teie òhipa i roto i te taata e rave rahi e aha noa atu to ratou huru e to ratou tiàraa taata, e i rotopû ihoa ra i te feia âpi no porinetia nei. E ua riro te reira, ei faaineineraa i te uì no te tau a muri nei, ratou e òhipa atu i roto i teie tuhaa.

Teie ôpuaraa, ua tapaòhia ia i roto i te poritita e turuhia nei e te Faatereraa Hau o te Fenua i te pae no te rima î, na roto amo hoperaa i te faaravaïraa faufaa o teie tuhaa òhipa, e tei tiaïhia to na tupuraa. Te haamauraa i teie faanahoraa Faaravaïraa Faufaa Totiare e te tautururaa i Porinetia nei, e riro ei tauturu rahi i teeie tuhaa òhipa, e te haamaitàraa hoì i teie tereraa òhipa o te tapa, e riro ia i te ìriti i te ùputa i te tahi atu mau tuhaa i roto i te parau no te rima î.

NB : Hohoà “faaïteïteraa” a te SARL « Àrioi Expérience » a Hinatea COLOMBANI :





Haafaufaraa i te tuhaa o te rima î : Tauturu moni faataahia na te taatiraa « *Te Api Nui o te Tifaifai* »

I raro aè i te arataïraa a te Faatere Hau no te Tuàro, no te Feia Âpi, no te Arairaa i te Òhipa Ìino, e tiàau hoì i te Rima Î -*Te Pû òhipa rima î*, ua faataahia te tahi mau Tauturu moni no te pae o te rima î, ia au i te Ture Fenua no te 4 feppure 2022 tei haamau i te tahi tapura tauturu i te pae no te haafaufaraa i te i te tuhaa no te rima î i Porinetia farani nei.

Te mau Tauturu moni piihia “tuhaa 4” ua faataahia ia, i roto atoà ra i òtià no te tapura faufaa e vai ra, i nià i te faito e 40% i te rahi roa no te tapura faufaa e tuuhia mai e te taata ani. Te mau aniraa tauturu hau atu i te mirioni, e hiòpoàhia ia e Tomite Tuatapapa a te rima î (CCAT), e faataehia atu ai i te Tomite Hiòpoà i te tapura faufaa e faufaa (CCBF).

Tei roto i te reira arataïraa to te Taatiraa *Te Api Nui o te Tifaifai* a Béatrice LE GAYIC tuuraa mau i ta na ôpuaraa e tei fariihia te Tauturu moni o te riro i te paèpaè i te faatupuraa i te 23raa no te Faaiteïteraa *tifaifai* mai te 25 – 31 mati 2024, te faaiteïteraa *tifaifai* i Paris i te âvaè novama 2024 na reira atoà i te mau faaineineraa i roto i te mau taha-motu.

Te faaiteïteraa *tifaifai* i tupu na mai te 25 – 31 mati 2024, ua haaputupu mai ia e toru àhuru feia àravahi i roto i teie tuhaa òhipa. E feia ìte maitaìhia i roto i te *tifaifai* tei àmui mai, mai ia Virginie BIRET, i pihai iho i te feia âpi, tiàhia mai e Rava RAY. Ua faatupuhia te tahi mau tataùraa e tae noa atu i te tauà parauraa no te haafaufaa maitaì i teie ìte e te paari faufaa mau.



A taa noa atu ai te reira, ua faatupu atoà te peretiteni Béatrice LE GAYIC, i te tahi tapura faaineineraa i roto i te mau taha-motu, e te tahi mau haapiipiraa i nià i te *tifaifai* i fakarava, Ahe e i Tahiti iti.

Te reira mau tupuraa òhipa e mau ôpuaraa, ua tapaòhia ia i roto i te poritita tauturu a te Faatereraa o te Fenua no te pae o te rima î, na roto i te haafaufaraa i te rima î i Porinetia farani nei e ma te faataa i te tahi mau taime haapiiraa e horoàraa i te ìte/paari, na reira atoà i te pae o te faaravaïraa faufaa. E faatupu te reira i te ûaaraa no te faaravaïraa faufaa o te rima î, no te feia ihoa ra e òhipa tamau nei i roto i teie òhipa tumu, e tei ìte i te maitaï e te faufaa o te reira.

NB : Hohoà na te taatiraa « Te Api Nui o te Tifaifai » a Béatrice LE GAYIC :





GOUVERNEMENT
DE LA POLYNÉSIE FRANÇAISE



SERVICE DE LA COMMUNICATION
